

岱

史

卷之七 望典紀

叙曰禹云乎望也帝工祀事之稱也紀之者何秩祀以崇禮也夫國之大事惟祀祀之大事惟天地與五嶽而岱惟嶽首帝王狩望必先焉於禮豈弗崇重哉然虞書望祀而曰秩周禮四望而曰秩視三公蓋別於天地也無用越禮以為媚也降及後世飾縕矯誣唐則稱王宋則稱帝獻符奏策瑤牘雲臺輶輿幸饗神而徼之福顧不思夫神聰明正直而一者也以此媚之克享否乎明

高皇帝稽古制祀典先正其名號曰東嶽泰山之神而郊壇而遣告而禱賽一切秩之以禮與帝典王章同符列聖承之昭然成憲可為萬世法若夫公卿百執事有事於祀者凡以為國為民也例得附錄焉

唐虞歲二月東巡守至于岱宗柴望秩于山川

見舜典

周天宗伯以血祭祭五嶽小宗伯四望五嶽

五嶽

視三公

見周禮

周公封于曲阜伯禽為魯侯遂得主泰山之祀

見魯

曾僖公三十一年夏四月卜郊不從乃免牲猶

三望

見春秋○公羊傳曰三望者何望祭也祭奉山河海也

三望者何望祭也祭奉

魯宣公三年春王正月郊牛之口傷改卜牛牛死

乃不郊猶三望

同上

季氏旅於泰山子謂冉有曰汝弗能救與對曰不能子曰嗚呼曾謂泰山不如林放乎

始皇即帝位三年東遊海上祠名山大川及八神

八神之次二曰地主祠泰山梁父八神之祀莫知所起蓋周之先已有之始皇因之及舉封禪亦祠

泰山

高祖至武帝時泰山屬濟北王境內自奉祠元狩元年王以天子且封禪上書獻泰山然後天子官領祠元封五年帝至奉高修封祠泰山其後五年一修封凡五祠焉

宣帝神爵元年詔太常制五嶽常祀禮皆使者持節唯泰山與河歲五祠餘皆三祠

光武中元元年定社郊祀五嶽建武三十年三月帝却封禪之議幸魯退祭泰山 三十二年二月

帝舉封禪祭天於泰山下南方又以一特牲於常
祠泰山處告祠泰山

章皇帝元和二年二月辛祀泰山 風俗通同岱宗

廟十月日合凍臘月日涸凍正月日解凍皆太守

侍祠

魏文帝黃初三年祀五嶽

梁晉成帝咸和八年立社郊五嶽從祀

梁令郡國有五嶽者置宰祀三人以孟春仲冬祠之

後魏景穆帝立五嶽廟於桑乾之陰每歲遣祠官詣

諸嶽鎮禱焉

孝文帝祭岱嶽文曰造化氤氳是生二儀玄黃既
闢山川以離四流含靈五嶽苞祗并兼方象出納
望羲岱宗穹崇梁甫盤崛青丘立磅礴春趾鬱律肇
生庶類啓光品物上敷神工下融靈秩載協化文
四氣以溢百王鑄成莫不茲室

唐武德貞觀制以五郊迎氣之日祭五嶽又祭東嶽
於兗州

玄宗開元初五郊迎氣之祭如舊制祥文見後開元十

第三年封泰山神為天齊王禮秩加三公一等是
時天台道士司馬承祐言今五嶽神祠是山林之
神也五嶽皆有洞府有上清真人降任其職山川
風雨陰陽氣序是所理焉冠冕章服佐從神仙皆
有名數請別立齋祠玄宗奇其說勅五嶽各置真
君祠故今道書稱東嶽太靈蒼光司命真君云
開元初定常祭儀祝曰嗣天子某謹遣某官某敢
昭告于東嶽岱宗惟神贊養萬品作鎮一方式
因春始謹以玉幣犧牲粢盛庶品朝薦于東岳岱

卷之二十一
宗尚饗

天寶元年七年八年皆以歲豐遣官祭五嶽

德宗貞元二年詔太常卿裴郁等十人各就方鎮

祭嶽瀆

宋初祭東嶽泰山於兗州

真宗大中祥符元年封禪禮畢詔加號泰山天齊

王爲天齊仁聖王五年加上曰天齊仁聖帝命

學士晁迥撰天齊仁聖帝碑銘今存嶽廟

晁迥碑銘

臣聞結萃為山麗無彊之厚載升名曰嶽表奠服
之崇丘至若根一氣以泥成巍四時而首出作鎮
東夏寔惟岱宗辨乎五方設位冠配天之大畫爲
八卦建標當出靈之區邃深連空洞之宮翕習蹠
神靈之府夫其鼎甲艮象握制坤軸屹嶙磅礴穿
崇岩堯天門路界於鬱蒼日觀勢臨於杲曜列仙
遯迹存棲真之石間永命儲休闋與齡之金篋滋
殖百卉函育庶類畜泄雷雨吐納風雲封之所以
令元符登之所以小天下近綏梁社遠矚秦吳控

壓海沂襟帶洙鄒人所仰魯邦是詹肇生物之化權蓋順貞之圭域也古先哲后誕膺駿命披皇圖稽帝文告成乃申大報昭姓考瑞刻石紀號自無懷氏迄唐明_上至登封展采布在方間者罔不于茲矣開元十三年始封神曰天齊王禮秩加三公一等綿歷五代叔寥無聞爰暨皇朝勅興嘉運叶百姓與能之望懇真人革命之秋太祖皇帝總擊英雄鞭撻宇宙勤勞四征削平多壘方混一於寰中太宗皇帝纂隆洪緒懋建皇極斟酌道德統和

天人乃綏懷於海外而艱難創業緼畜貽謀勸
崇奮炎將底績而孝暇開先遺大知奔世而有歸
粵惟崇文廣武感天覃道應真佑德欽明上聖仁
孝皇帝陛下承鼎定之基格孟安之世顯仁以育
物廣孝以奉先宣洽重熙財成庶政弭息戎旅撫
柔要荒乘國步之密清宅天衷於醇粹因之以豐
懋加之以阜康席慶宗廟之重游心帝王之術長
轡遠御大道坦夷天衢於是乎嘉亨德教於是乎
漸被戴日戴斗聿遵朝聘之期太平太蒙盡入車

書之域垂衣在上擊磬在下得以疇谷俊茂博訪
幽隱講求典禮包舉藝文接千歲之統可炳儀於
封祀當萬物之盛宜昭告於神明然猶務謙尊而
益光體健行而不息冲晦藏用淵默思道俄而天
休震動上帝顧懷真錄游臻靈心有憚總集峻命
覺悟蒸黎踰金簡玉宇之文等河圖洛書之寶承
是秘檢發為蕃釐霑澤開榮普天受賜新建元之
號易通邑之名茂昭降祥聳動群聽是時東土耆
老奏闕廷以上書南司宰輔率官師以抗表願備

考古之遺煥發升中之儀弗獲固辭乃徇勤請且
以增覆載之高厚揚祖宗之純懿也諸峰供億悉
出於縣官經啓營繕不煩於民力大中祥符元年
冬十月具儀制嚴仗衛陳屬御躋介丘齋心服形
奉符行事群司奔走百禮修明集靈巖之巔凌顙
英之氣壇壝清肅牲牷純備玉幣式叙樽彝在列
奠獻克謹燭繹用張晏娥交三神之歡陟配崇二
聖之位舉權火升高烟示珪牘以環觀建雲臺而
特起社首之禮抑又次焉咸秩無文奉行故事朝

會赦宥涵濡盪滌采輿誦求民瘼旌前列衍徽章
參用玉制著明皇績大猷克集神實坐贊故自始
及末見象日昭史氏之筆殆不停綴則有非烟紛
郁太陽晏溫仙芝無根菌蠹以含秀醴泉無源渺
涌而善利靈輝休氣嘉穀竒木鱗介之宗長翔游
之品類表異駢出曠代絕倫豈非受職修貢發祥
介福之徵乎人謂是山崇冠群嶽功侔造化斯不
誣矣國家稽虞書四巡之首原漢氏五祠之重遂
宣邦典申嚴恭法奉正直聰明之德營精虔嘉

之誠為民祈福與國均慶封鑾之後復增懿號曰
仁聖天齊王蓋以形容靈造舉褒崇之禮也名稱
之義大矣哉化工生物之謂仁至神妙用之謂聖
登隆顯赫亦云至矣復思嚴飭廟貌彰灼威靈責
大匠之職議惟新之制於是命使屬役協辰備功
庀卒徒給材用興雲鍤運風斤程土物以致期分
國工而騁藝規畫盡妙樂勸忘勞踰年而成不愆
于素棟宇加宏麗之状像設竚端莊之容凡所對
越肅恭逾至四年春舉汾陰后土之祀成天地合

卷之禮憲章明備上下交感純嘏既錫大賚施及
圓首方足式歌且舞猗歟間歲順動焜煌景鑠而
皆擬聖明之述作從英茂以飛騰灼叙慶靈奉揚
殊貺紀諸盛節悉以命篇布日星之華配雲雨之
潤並刊鳳藻散跡龜趺播洋洋之頌聲垂極蟠之
能事而志求象罔順拜崆峒闢衆妙之門廣列真
之宇非止卜永年於郊廟是將納雅俗於華胥者
也又以太一五佐本乎天太寧五鎮本乎地其位
參兩鴻名可齊特尊列嶽咸加帝號由是奉升奉

山之神曰天齊仁聖帝乃命案馳道之東偏直宸
星之異位辟地經始別建五嶽帝宮以申崇尚之
禮焉御製奉神述詔中書召侍從之臣諭以制作
之本意觀夫聖文之梗槩以為岱鎮之大輔于柔
祇動植之所蕃息原源之所滋液至靈允宅陰陽
攸司鍾戢穀而有微繫黎元之是賴舊史具載前
王式瞻著冊封之典嚴祀祠之禮增奉邑之數申
樵蘇之禁皆以仰不測之明威顯無方之妙迹也
方今兵革偃戢華夷會同歲獲順成物無疵蠹率

由丕應冥助永圖回當稽彼前聞進其尊稱謂乎
唐虞曰帝商周曰王夫商周之王爵人臣而有素
唐虞之帝奉神道而何疑况其容衛等威冠裳制
度極微數以宿備宜明艷以相符因而成之禮無
違者願延景祐普及含生至乎哉聲動睿辭無私
廣大坦然明白之理沛然利澤之德曲成司牧俾
臻富壽有以見聖人之情矣遂誌勒石徧立於五
嶽廟庭從近臣之議也是歲冬並命使介分詣諸
畿定吉日飭有司白皇帝被法服御朝元殿禮行樂

作而臨遣之持節受印交冕相繼次叔而出觀者
如堵且嘆文物聲名之盛未嘗有也使者奉詔訖
事率叶素期於穆宏觀變超千古矣越明年詔五

臣撰辭各建碑於嶽廟而臣浸清皇澤涵泳清微
偶集鳴鳳之行遂塵龍鳳之署預承綸旨強叩蕪
音曷勝眷獎上以慶幸宣明盛禮叨奉冊於秦城
潤色貞珉玷彌文於魯嶽荷輝榮之稠疊愧才學
之空虛燥吻濡毫謹為銘曰節彼泰山蟠亘大東
一氣凝神五嶽推雄勢并鳬繹秀出龜蒙崛起海

表目為天中高摩霄極俯瞰賜谷神策斯秘昌圖
可卜物性鍾仁民居獲福魯邦是常盛德在木百
靈淵府三宮洞天稷丘真隱芝童列仙白鹿方駕
飛龍命篇宅其勝境幾乎大年歲長曰宗歲交曰
岱仰止嶧岩奠茲持載壽域既優神聰有資禱祀
誕隆寅威如在千載興運八紘開基武功燭定文
教緝熙封禪縛典祖宗制宜逮夫聖嗣方畢宏規
惟帝奉符惟神佑德茂績其凝皇猷允塞嘉應沓
臻鴻禎靡測茫茫豈衍元元滋息於赫靈廟控帶

名區有詔改作俾受全模協心董役豐資庶徒技
殚功倍雷動星敷大廈咸新群黎改觀穿竄龍深
崢嶸輪奐肅穆威容潔清几案欽修允宜躬鑾攸
贊功懋天祚澤從雲游式諧民望昭報神休殊號
斯薦前古匪儻庶安億兆豈止懷柔天帝之孫復
升以帝出乎震宮臨乎日際事固莫京理亦潛契
樹此翠碑騰芳百世

金
每歲御署祝版命守臣侍祠

元
至元二十八年加封泰山天齊大生仁聖帝廟一

遺官祭嶽祠

大明洪武三年六月二十日

皇帝制曰磅礴東海之西中國之東參穹靈秀生同
天地形勢巍然古昔帝王登之觀蒼海察地利以
安民主祝曰泰山於敬則致於禮則宜自唐始加
神之封號歷代相因至今曩者元君失馭海內鼎
沸生民塗炭予起布衣承上天后土之命有神陰
佑削平暴亂正位稱職當奉天地享鬼神以依時
統一人民法當式古今寰宇既清特脩祀儀因神

有歷代之封號予起寒微

之再三畏不敢效謹

神與穹同始靈鎮一方其

不知歲月幾何神之

所以靈人莫能測其職受

於上天后土為人君

者何敢預焉懼不敢加號

以東嶽之神名其上

依特祭神惟神鑒之

歲春廿二仲月泰安州記禮
丁巳日

御製岱山高文曰岱山高

亦不知其幾千百里影照東海巍然而

齊魯兮亦不知其幾千萬仞根盤

柱天益於民庶兮興雲吐霧神龍出乎其間降祥

則甘露垂於松柏佳歲則

沴沴遍於厚坤冬則寒

風時出巖壑雜然而有聲云川林藪森然而如雷
坤之所載世之山首岱山也至如陽谷之東方或
登峯頂時聞天聲萬籟岱山之高也哉柱天之勢
其可云乎俄而風生萬壑而起諸巒隱隱雷動百
川倏忽電掣萬里長虹此岱山之神至也至則威
靈百備神之造化如此少時風靜雲收電歛雷息
又百川之清恭其岱山尤廿六高哉其蒼松也始天
地而生倚丹崖而長松之所以長尋不比丹崖所
以高萬仞何量蓋由太古之歲月以至于今蒼松

掃丹崖而萎苔不秀丹崖映蒼松而五色交輝猿
啼雲樹之杪鶴並日觀之東鵬鵠盤旋乎深谷雖
扶搖不可得而昇峯於戲登泰山而小天下越大
海而眇江湖信哉

洪武十年歲次丁巳八月丁未朔

皇帝謹遣曹國公李文忠道士吳永輿鄧子方致祭
于東嶽泰山之神曰朕荷上天后土之眷命蒙神
之效靈以致平群雄息禍亂君主黔黎於華夏統
控蠻夷於今十年中國康寧然於神之祀若以上

古之君言之則君為民而禱歲有春祈秋報之禮
於斯之際有望於神而祭者有巡狩於所在而燎
瘞者今予自建國以來十年于茲國為新造民為
初安是不得親臨所在而祀神也特遣開國忠臣
李文忠道士吳永輿鄧子方以代予行奉犧牲祝
帛於祠下以報效靈自今以後歲以仲秋詣祠致
祭惟神鑒之尚饗

洪武十一年遣道士吳永輿官行甫告曰惟神靈
山嶽方巒鍾秀后祇主司生民厥功尤大時維仲秋

禮當報祀特命使者奉犧牲祝帛詣致祭伏惟鑒
之尚饗

洪武二十八年遣神樂觀道士樂本然國子監生
王濟祭曰昔者元運將終英雄並起民患兵殃時
予亦與群雄並驅輯兵保民上帝默相山川受命
效靈所在必克轉戰五年餘方乃兵偃民息衆樂
生生之計天下太平二十八年矣今洪武乙亥四
月間廣西布政司報蠻夷酋長龍州趙宗壽奉議
州黃世鐸不循治化負國殃民兵興之事本重既

行不敢不告所以告者兵行十萬各離父母妻子
途間饑飽勞逸山嵐瘴氣患者有之此兵行之雖
兵入其境良民受害且大軍所過荆棘不生民驚
且疑未有不傷者也此其所以告也但欲瘴癘之
方化煙嵐為清涼之氣俾殄渠魁良民安業軍士
速回各得完聚以養父母是其構也然予未敢輕
告上帝惟神鑒之為予轉達謹告

洪武三十年遣神樂觀道士朱鐸如監生高翥祭
曰昔元末兵爭傷生者衆予荷皇天眷命嶽鎮海

瀆山川效靈諸將用命偃兵息民今三十年矣兵
燹之餘民方安定邇來西南戍守諸將不能昭布
仁威但知肥已霍人致令諸夷苗民困窘而奮怒
攻屯戍致傷戍守善民者予非敢用兵由是不得
已指揮諸將帥兵進討然山川險遠彼方草木茂
盛煙嵐雲霧蓊鬱之氣吞吐呼吸則人多疾疫此
行人衆各辭祖父母父母妻子涉險遠以靖邊夷
以安中夏萬冀神靈轉達上帝賜清涼之氣以消
煙嵐早定諸夷速歸營壘得奉祖父母父母眷屬

團圓是其禱也今年九月二十六日兵行特遣人
奉香帛牲醴先詣神所謹告尚饗

永樂五年遣道士復生監生張禮祭曰比者安南
逆賊黎季釐及子孫黎蒼、逞亮肆暴屢壞邊疆侵
奪思明府祿州等處地方予加寬貸不肯興師問
罪但遣使諭使還地黎賊巧詞支吾所還地多非
其舊還地之後復據西平州又侵寧遠州逼脅命
吏占管人民劫掠資財殺虜男女邊境之民受其
殘酷安南之人并被其害誅來百端若幼不寧占

城之地累年遭其劫掠予數遣人告諭冀其改過而賊稔惡日甚罔有悛心予為天下主視民塗炭安忍不救乃命將出師聲罪致討志在弔民豈敢用兵實出於不得已賴皇天后土眷祐嶽鎮海瀆效靈將士奮志賈勇悉掃蕩其孽黨撫安其良善尚念將士暴露於外離其父母妻子山川險阻道里迢遞今天氣炎熱恐瘋癲鬱蒸起居失調易於感疾予夙夜念此寢食不寧萬冀神靈鑒予誠悃聞於上帝賜以鴻庥潛消瘴癘俾降清涼使將士

安寧百疾不作特遣人致香帛牲醴先詣神所祭告尚饗

宣德十年歲次乙卯五月壬申朔十五日丙戌

皇帝謹遣泰安州知州胡宗敏祭告於東嶽泰山之
神曰予嗣 祖宗大位統理下民夙夜惓惓養民
為務上祈神靈陰陽相助相俾雨暘時順灾沴不生
百穀用成民用康濟國家清泰永賴神庥謹以香
帛達予至誠惟神鑒格尚饗

元年歲次丙辰五月丁卯朔十五日辛巳

皇帝謹遣吏科給事中車遜致祭于東嶽泰山之神
曰越此東土泰嶽惟崇民物奠安厥功名茂予嗣
承大統謹用祭告惟神歆格永祐家邦尚饗

正統三年遣泰安州知州胡宗敏告曰朕祇御下
民永懷保恤百穀長育茲惟厥時顥冀明靈特隆
敷祐無灾無沴時雨時陽作歲豐穰以穀黎庶尚
饗

正統九年遣翰林院侍讀習嘉言告曰予奉天有
民愧涼于德致茲久旱災及群生夙夜省躬中心

惓切神司方獄憂憫諒同兩農以時冥任其責特
茲致禱尚冀感通弘布甘霖用臻豐稔匪予之惠
時乃神庥尚饗

景泰三年遣太子太保兼都察院都御史王文奉

香帛太牢祭曰茲者河流泛溢自濟寧州以南至于淮北民居農畝皆被墾溺所在救死不瞻朕實傷切于懷夫朕敷政以惠民神出泉以澤物皆上帝所命今泉流溢於淮泗灾害及於公私伊誰之貴固朕不德所致神亦豈能獨辭必使泉出得宜

民以為利而不以為患然後各得其職仰無所負而俯無所愧專候感通以慰懸切謹告

景泰六年遣刑部尚書薛希連奉香帛牲醴告曰恭承天命重付眇躬民社所依灾祥攸繫志恒內省政每外乖或寒燠愆期或雨暘踰度田疇失利穀麥不登憂切民心妨及國計究推所自良由在茲然因咎致灾固朕躬罔避而轉殃為福實神職當專夫有咎無功過將惟一轉殃為福功孰與均特致懇祈幸副懸望謹告

成化六年遣掌太常寺事禮部尚書李希安告曰
邇者山東地方一歲自去秋訖于今夏天時又旱泉
流乾涸夏麥無成秋田未種運河淺澁船運艱難
中心皇皇深切朕念惟神奠鎮一方人所恃賴覩
茲旱曠寧不測然茲特遣官齋香帛以告于神奠
體上帝好生之德默運化機弘施雨澤使田野霑
足河道通行用紓朕慮大慰民望庶幾神之休閑
永永無窮神其鑒之尚饗

成化十三年遣山東布政使司左布政使陳鑑告

曰國家敬奉神明聿嚴祠祀所期默運化機庇祐
民庶乃近歲以來或天時不順地道欠寧或雷電
失常雨暘爽候或妖孽間作疫癘交行遠近人民
頻遭饑饉流離困苦痛何可言惻然於衷罔知攸
措惟神莫鎮一方民所恃賴覩此灾沴能不究心
是用特具香帛遣官祭告尚冀體上帝好生之德
鑒予憂憫元元之意斡旋造化弘闡威靈捍患禦
災變禍為福庶幾民生獲遂享報無窮惟神鑒之

尚饗

成化二十一年遣巡撫山東都察院左副都御史
盛顥告曰惟神自開闢來作鎮東土興致雨露
育萬物靈明克昭蒸民攸賴是以歷代報祀之典
有隆無替乃今歲二三月間震動數次意者人事
不修不齊瀆神弗安弗寧守臣疏達朕心憂惶祗
備香帛命官牲祭望喬嶽以虔祈冀鑒臨而奠位
助司元化誕福斯人夫古今瞻仰者在茲國家欲
崇者在茲謹告

弘治四年遣通政司左通政元守直祭曰伏自

歲一冬無雪今春天時亢旱雨澤愆期田苗枯槁
黎庶憂惶予甚兢惕用是側身修省虔致禱祈維
神矜憫下民幹旋大造早需甘澤潤滋禾稼弘濟
民艱庶民有豐稔之休則神亦享無窮之報謹告
弘治六年遣巡撫山東地方都察院左僉都御史
王霽祭曰伏自去冬無雪今春少雨田禾未能播
種黎庶實切憂惶予甚兢惕用是側身修省虔致
禱祈惟神矜憫下民幹旋大造早需甘澤以滋禾
稼以濟民艱庶民有豐稔之休則神亦享無窮之

報謹告

弘治七年遣內官監太監李興太子太保平江伯陳銳布副都御史劉大夏右僉都御史熊翀以香帛告曰比者黃河不循故道決于張秋東注于海既壞民田又妨運道特遣內外文武大臣稽行潰決之處督工脩築神其默相用成厥功使農不失業國計不虧不勝惓惓願望之至謹告

弘治己未年

御製重脩東嶽廟碑朕聞自古天子報祀鬼神之禮

載在典閒自郊祀天地而下復有所謂名山大川之祭蓋名山大川兩閒物形之最鉅者形鉅則氣之所鍾亦鉅而神必依之於是又有雨澤之潤有財貨之生有年穀水旱之祈禱焉以利生人此報祝之所由起也惟泰山在古兗州於方為東故稱東嶽於時為春春主生萬物之始群嶽之長又稱岱宗古者天子巡狩秩祭之所先而東方諸侯在其封內亦得以祭然其禮視三公蓋以別於天地也降及後世乃崇以羨號至於帝王則與天地無別

矣我 聖祖高皇帝有天下之初詔定祀典始復其號曰東嶽泰山之神禮嚴報祀著令至今大聖人超卓之見蓋出尋常苗裔萬豈特朕所當恪守雖萬世子孫莫之能易也東嶽之廟今偏於天下其在泰山者為專祀歷代所重故廟之規制甲於他方香火特盛我 祖宗列聖自國初以來報祀惟謹廟宇亦屢加修葺然歷歲既久風侵雨剥棟宇榱桷益瓦級碑與夫丹青藻繪之飾未免傾圮漫漶弘治己未冬朕承

詔

宗禮神之意遣御馬監

太監苗達往脩祀事真以為言即發內帑銀金子
餘兩并在廟積貯香錢命達會山東鎮巡等官差
之未幾西陲告警達有督軍之行工不時就干成
冬再以祀事往乃與巡撫右副都御史徐源等奏
委右布政使俞俊專董其役而分巡副使下各協
往來協同吏勤工善越明年夏乃訖訖自二殿而
下若廊廡若干門垣等凡傾者以易圮者以完浸漶
者以鮮以潔金碧輝映廟貌深嚴泰嶽明靈庇護
且安自是而往陰佑顯相我國家之胤祚

生靈益有賴於無窮矣達暨鎮巡等官咸奏是舉
之盛宜有述以示後爰識巔末并繫之詩曰鴻蒙
未判一氣渾然清升濁降始肇乾坤賦形之大惟
山與川氣隨形鍾神乃在焉巍巍泰山高入雲煙
群岳宗之靡或與肩自古天子秩祭孔慶禮視三
公祀典攸傳降及唐宋縟禮相沿殊名羨號益謹
益專於惟我祖志復古先秩祀有詔功邁前編
承先烈精誠彌堅祀事載脩廟貌增妍神心
鑒悅降福綿延壽我胤祚光我化甄蕩蕩平平儻

萬斯年

正德五年遣戶部左侍郎喬宇告曰比者嘵厲踰

時雨澤少降水泉枯涸運道良艱意者政有乖違

上千叶氣予心警惕內自省循爰飭有司各脩乃

事粵惟齊魯之地泉源是鍾名山大川神所居守

敬將香帛特遣廷臣仰冀明靈斡旋大化沛施其

澤濬滻發河流庶使國餉疏通田禾暢茂民生有賴

邦本無疆謹告

正德六年遣山東等處承宣布政使司右叅議徐

永告曰去歲以來寧夏作孽命官致討逆黨就擒
內變肅清中外底定非承洪佑曷克臻茲因循至
今未申告謝屬者四方多事水旱相仍饑革載塗
人民困苦盜賊嘯聚剿捕未平循省咎由實深兢
惕伏望神慈昭鑒幽替化機灾沴潛消休祥叶應
佑我國家永庇生民謹告

嘉靖十一年遣泰安州知州李政祭曰惟神鍾靈
孕秀鎮奠一方陰翊國家其來尚矣朕以寡昧恭
承天命十有一年于茲敬事神祇罔敢少懈顧儲

官未立恒切于懷茲者特具牲帛醴奔遣官慶禱
伏望茂著神功錫予元嗣則我國家綿慶禩于無
窮而神亦享福于有永矣伏惟尚饗

嘉靖十七年歲在泰安州知州丁方祭曰比歲嘗命
官禱祠于神昨丙申孟冬之吉仰荷天賜元儲亦
神所贊佑者茲用致謝神其鑒歆而永惟默佑焉
尚饗

嘉靖三十二年歲次癸丑閏三月丁未朔越二十
八日甲戌

皇帝遣山東巡撫地方都察院右副都御史沈應龍致祭於東嶽泰山之神曰朕祇奉天命主宰萬民夙夜兢惕靡敢怠遑茲者准徐守臣奏稱去夏以來黃河漲溢水患異常堤岸衡決民舍渰沒運道淤塞百姓阻饑不能聊生朕聞之惻然惟神雄鎮一方永饗秩祀茲宜體

上帝好生之德捍患禦灾俾濬築工成水循故道民安常業漕運疏通惟神之顯庥弊帛將誠神其鑒之謹告

嘉靖三十三年歲次甲寅二月壬申朔十八日巳

丑

皇帝遣巡撫山東地方都察院右副都御史沈應龍致祭于東嶽泰山之神曰比因河水漲溢糧道梗阻已經遣官祭告茲者明神顯應修濬土成河通運達國計有裨特茲致謝惟神歆鑒謹告

嘉靖三十三年歲次甲寅四月辛未朔十二日壬午

皇帝遣巡撫山東地方都察院右副都御史沈應龍

祭告于東嶽泰山之神曰朕奉天命子育萬民所冀歲稔時和灾害不作爾者各處地方水旱兵荒人民遭阨危亡載路灾變異常朕心憂惕惟神上奉帝命奠濟一方諒垂矜憫爰命潔士齋揅香帛特遣撫臣備儀竭虔詣祠致祭所冀明神大彰靈應潛幹化機俾氣序順調雨暘時若弭解灾劫溥資豐泰庶同朕奉天子民之意而神亦享惠于無窮矣謹告

隆慶三年

皇帝遣巡撫山東都察院右副都御史姜廷頤告嶽文曰邇者水災異常殃及黎庶良軒朕懷茲特遣官祭告惟神鑒祐永福邦民謹告

萬曆元年

皇帝遣祭于東嶽泰山之神曰惟神毓秀鍾靈永表
東岳奠安民物萬世允賴茲予嗣承大統謹用祭
告神其歆鑒佑我國家尚饗

大清順治八年歲次辛卯四月丁未朔越七日癸丑
皇帝遣都察院右都御史仍管工部左侍郎事劉昌

致祭于

東嶽泰山之神曰惟神天門挺秀日觀昭靈吐納
風雲育成品物朕誕膺

天命祇荷神庥特遣耑官用申殷薦惟

神鑒焉謹

告

歷代群臣祀祝

祭文
祭文

正址坤 元作鎮東夏齊二儀以永

固寧至德以配天故能資元氣以造物協陰陽而
變化若其嵒嶺峭峙川谷幽深神恠譎詭倏忽百
靈吐納風雲育成萬品攝生之所歸焉禎祥之所
萃焉是以歷代帝王之崇封禪銘功以告其成七
十二君咸在茲焉自非功侔造化應同自然孰能
若此者哉自我國家肅恭禋祀懷柔百神邦域之
內罔不咸秩往以天路未夷雖望祭有在今大化

既同眷有淮岱謹薦于嶽宗之靈尚饗

皇興二年

歐陽脩祭東嶽文

脩比者獲解郡章許還里閭方

中車而即路屬暑雨之時行輒以愚誠仰干大造
蒙神之惠賜以不違吹清飈而散陰暴秋陽以涸
轍遂無道路之阻得返草茅之居荷德之深不知
為報一觴之潔謹用薦表

濟南守曾鞏告岱嶽文去歲之旱有請于神蒙畀
嘉澤田則大稔今春河役發民二萬更迭齋送衆
又倍之蓋此齊人出者幾半迨其反室維夏之杪

勞費既深又違穡事夫民數歲乃遇一稔敝之如
此今二麥方苞而亢陽為霍吏任其咎所不敢逃
惟民何辜賴神終惠能致雲雨則實在神尚其念
之敢告○惟神含德體仁鎮茲東夏興雲致雨澤
施八紘今此齊邦近在山趾方夏久旱麥苗將萎
吏思其繇奔走群望而入微言賤不能上動頻陰
復散忽已兼旬念此疲民弊於征歛方歲之富食
常不足一遇灾害必災惟神威烈覆被群生
顧此比州宜先蒙雨靈眷獨忍遺之是用飭

遣士民布誠祠下情窮詞急冀獲哀矜使一雨霈然則倒懸可解尚其降鑒無作神羞○維泰山歷古至今有天下者巡狩封禪勒成告代莫不之焉或企足動容卒莫能至實卓儒殊尤神明之地故天下宗焉二典所記其光靈威烈焯示萬世夫豈他山可得而視維齊魯獲仰而事粒食縷衣莫匪陰施今邦不雨自四月以迄于茲積水之澤塵起冥冥粟將槁死蝗亦滋生雖政或不良足以致此而百姓何罪宜蒙哀矜彼撮土之山勺水之川尚

能與民為福錫之有年豈如泰山朝出一雲

漢書

天下其勢之易易於轉圜而比近託麗顧不能憐殆莫之或告告或不虔夫民之生蓋亦艱矣無諸與藏重欵煩使歲一不登多濱於死姦強無知或起乘時聚為盜攘以取誅夷循理安業田間之民亦與俱亡奚可不傷鞏受命天子守藩于東敢脅以嚴告于靈宮惟神閔人之病助歲之功懦然下兩變疹為豐尚俾斯民以牛羊黍稷得承事于無窮右三首
俱祈雨臣愚行為時之所背言為時之所輕寡

儔少和耿耿焚焚竒於人而如此敢望信於冥冥
屬東轍而進謁託斯文而薦誠眷齊魯之舊邦依
大鎮之崢嶸若旱魃之方驕憂歲事之不登民且
瘠於溝壑或椎埋而死兵冀聰明之饗呑濡膏雨
之霄零言丁寧以上訴心懶恍而潛驚顧不能以
諧世將何以動夫威靈乃不知夫神與道而為徒
雖宵默而難明其虛心也物有來而必應其公聽
也無憎愛之常情彼大雖自大小雖謂小吾與義
而已矣常一視而持平故微衷得以上徹利澤為

之旁行或噫為風或震為霆隱然雷出之然靈氣
灑甘露以薰夕滅灾氣於無形蓋西極于甸原東
屬乎滄溟人盈其望物遂其生蒸茫茫而擢秀栗
薿薿而敷榮使時沴遂熄年功可成人食豐乎鍾
輔神祀衍乎采盛民相安於田里吏無用於威刑
信大恩之莫報而至德之難名愚所以意激而感
深者方涉世之零丁荷降鑒之不昧知忠信之可
憑敢因辭以進謝愧抽思之匪精右謝雨

明

都御史陳鳳梧告徽文海內名山惟五嶽為尊而
神奠位東方生長萬物於五嶽之中又特尊焉自
唐以至于

聖朝歷代崇祀威靈烜赫蓋以一方之安危休戚神
有以主之也辛巳之秋鳳梧備員東藩嘗謁告祠
下預祈有年既而叨蒙聖恩簡任巡撫夙夜弗
遑惟綏懷是事壬午之春以徂于秋雨暘時眷感
神之惠於是乎有孚矣是秋暨冬礪寇突起于龜
蒙之間荼毒赤子追捕出境餘醜渡河而南益肆

躡梁頃者賴神之佑僉兵剿平中原之地獲寧
焉惟是齊魯之域深谷茂林姦慝潛伏其東
伏仗神威鋤兇化暴使濟河海岱寇盜不興水旱
不作熙熙然物阜民康斯鳳梧之責可少官焉而
崇報之典其曷敢有忘謹以牲醴特伸祭
其鑒之謹告

嘉靖二年

泰安守許應元告巍文尤聞之令澤布施而
合不宗朝而兩天下惟泰山之神為然
出守垂十始入境問民之所欲曰歲荐

適且半誠得雨殆其有蘇惟時元神志安
不潔不敢以徼於明神屏息而待命者

穀未播麥苗且槁而沛澤靳於先施是

茲土者無已也罷憊之民不任亟毒耶

狀宜降厥殃咎彼蠢蠢者誠可哀憐政

誠以禱於明神惟明神卒降之惠俾無稿於道路

報神之德曷其有極尚

饗嘉靖二年

左布政使楊維聰告嶽文夫天下之山莫尊於嶽

然五嶽之中獨岱以宗稱其名最著渤海出雲霞

寸而合不崇朝而雨天下其功最大居於東方實
維生物之府其德最盛寰海之內無有遠近衝僻
罔不鄉往其神最靈是故自古聖帝明王必加敬
焉而況為有司者乎維聰受天子命長茲東上
典領方嶽蒞任之初得以職事過于祠下牲醴之
薦敢有弗虔重念維聰之不德受茲重任凡政之
未平民之未乂風雨之未時蝗鴈之或作皆有司
之罪也維聰不敢辭其罪然於神有深望焉默而
相之神之惠也民之福也非維聰之所敢私也謹

告嘉靖十五年

分巡濟南道僉事盧問之祭獮文夫惟神有奠鎮
區域之功惟問之有撫治地方之責事存分際理
通感孚頃以按部之餘遂興憫農之念意以暉旱
之灾吾繫天慢民者之過也用是省躬布戒率守
吏大小虔告重荷洪庥遄賜昭格而山上之雲觸
石而起層寸而合不崇朝而雨待哺之民有望而
催租之吏不憂矣其功之速之大實顯佑于東土
問之臨風興懷殊切瞻望謹命有司崇修樽豆仰

卷神功尚饗

嘉靖六年十一月

都御史端廷赦告歲文茫茫后土五嶽盤薄神為之宗威靈鑠鑠上扶乾綱風雨時若下握坤軸是耕是穫恢我皇度靈長有託庇我蒸人湛淵寥廓凡此神功振古如昨廷赦奉命撫茲禮當謁神謁神之初敢干神政匪誕匪私為民請命夏滂為灾冬旱復甚陽侵陰伏寢行春乍二麥若稿斯民之病惟神依民惟民依食胡忍視民以至此極將神之怒撫臣之失罪在撫臣民則何慝伏望陰

翊化工昭錫靈貺興雲降雪慰茲渴望如有佚罰
撫臣甘之毋使斯疎橫適罹之式號以呼神其聽

之尚饗

嘉靖二十三年二月謝徵文

廷赦撫按無狀獲戾神

明致茲冬旱用是皇玉靡寧匍匐祠下為民請命
蒙神降鑒旋收果日大布重雲霰雪先集霖霽繼
盈露足優渥其應如響吏民罔知咸歸於廷赦自
分罪愆顧有何德可以動神何誠可以感神寔神
正直仁慈不忌以廷赦之故累承天子元顯貺休烈
禮當報謝廷赦既荷神宥自今伊始益當磨光利

竭力詢民瘼以求不為神羞惟神祐之鑒之尚深

嘉靖二十三年十二月

巡按山東監察御史鄭芸

告獄文

惟神幸造化之

靈秀顯仁威以配天峻德獨宗於諸岳魏功茂對
於八埏崇古今之封秩為齊魯之具瞻五徵時應
六府奠安葬欽承上命攬轡茲方風裁是秉惟
神之綱春生秋殺恩激淑揚爰及藩臬降鑒有光
精神默契敢不肅將祗陳牢醴維脩典常明禋載
鼓維神是匡利奏膚功憲慶礼昌下土永賴赫奕

用章尚饗

嘉靖二十三年

巡撫都御史王忬告嶽文

蓋聞懿垂編錄休翊

明特以雄長乎五嶽者神之大造也觸石而出膚寸而合不崇朝而雨天下者神之能事也至於奔走天下積致賄施以利賴此一省者又神之顯惠也則夫兩陽時若固神之當先及而亦一方之所私望者矣乃不雨自春迨將中夏達乎四境且害三時麥已固秋禾豈望歲夜倬雲漢晝苦風霾下民其客上夫有職神之所以急此一方者不其

莫歎且忼受。命撫茲圖惟保釐魂厥心力而已。
雲行雨施寔仰。明神焉勢分固爾也。抑忼及庶
司或陰苦惱。真宰有乘感假則神宜罰及厥身。賴斯
民何幸。代服政者惟此。奈毒耶謹齋明思省遣教
授胡大慶告此。雩事神其歛崇朝之靈。溝千里之
利則。莫惟忼與一方之人慰若其望。雖神之取信
天下。輝英今古。或亦微係矣。惟神其聽之哉。尚饗

嘉靖三十一年五月

巡撫都御史沈應龍告犧文夫犧之靈。豈直以崖

奔嶺蹙谷抱谿迴嶧起重險為一方鎮哉蓋將賴
以靈蓄玄機鼓湯元精禦灾捍患流福生民保衛
邦家也矧夫岱靈甲群峰而特峙尸攝生之神工勝
饗芬芳獨盛千古奔走萬方為天下諸嶽之長者
歟乃者春則恒陽二麥閼秋夏則恒雨民鮮粒食
所謂國泰呈瑞時訛及珍者胡罔時錫豈天灾流
行雖聖世有所不免耶應龍承乏撫綏俾羣靈
土山川之神寔叨主之乃歷嶮巖排蒙茸升青丘
陟春陟以脩祀事以祝景既以佑斯民以祈不賓

於聖天子懷柔百神肅恭明禋之典匪徒以好
古饗奇俯瞰虛廊仰眺寥泬為遊觀樂也維歲配
天尚弼予志邁彰休佑大康是邦奠聖祚于苞
桑輦

皇圖于永固則庶乎岱宗之標竒於齊魯者為益信
而崇拜於列聖者斯不誣也惟神其念之哉
嘉靖三十一年十月再祈雨文天地生萬物所以奉而行之者神
之職也

聖天子養萬民所以奉而行之者應龍等之職也今

山東諸郡旱已大甚麥苗就槁萬姓皇皇餓莩之
形漸多潢池之警日報此應龍等日夜憂惶計不
知其所出也應龍等寢昧保釐失職貽民荼毒罪
固難辭惟神聰明正直能興雲雨亦可失職而甘
受天地之罰乎應龍欽承

上命敬共明祀特申祇告敢為萬民乞命伏願鑒此
精誠斡旋造化甘霖沛澍四野沾足枯槁復蘇三
農慰望尚期消患於將萌轉禍而為福應龍等仰
荷明神無窮之錫而神亦有無窮之休神其聽之

尚饗

嘉靖三十二年閏二月

巡按山東監察御史馮薦告獄又東土鹹塉地方遠不逮古賦役繁重即有年民亦流移往遭水害窮困不能自存老稚在途強壯嘯聚疾苦之狀不忍聞見

聖天子痛憫時艱簡重臣出廩賑饑而垂絕之生意復蘇然猶望今歲有秋也爾麥亢旱農事盡廢公私既竭將曷以支惟神震方名嶽能興雲雨以生萬物古今祀典攸崇也夫民有疾苦官茲上者分

宜罷斥竊恐神茲土者心亦弗能自安神宜仰體
聖君之仁俯從薦等之願誕敷靈液以紓吾民之疾
苦神之德惠將流被無窮矣謹告

嘉靖三十二年閏三月

巡按山東監察御史雍焯告

岱文

謹以牲醴敢昭

告于

東嶽泰山之神曰於赫岱宗秩祀有恒神功丕施毓
物効靈奠此震極翊此坤寧歷代禋薦酬德報成
迄我

皇朝典祀維明焯等叨事茲土肅將明馨仰藉神

昭格用徵輦我 鴻圖永躋嘉靖三十一年十月

三十

巡按山東監察御史段顧言行

政司左叅議

徐文通按察司副使王世貞李

金事王遵張師

介暨都司署都指揮僉事李奉

告獄文竊聞天

地之大德曰生而生生不息之元

氣盛德鍾焉凝

焉是曰泰山夫泰太和也謂天地太和之氣盡此

焉在也衍之而時則惟春而神寔布之布之而方

則惟東而神寔專之大哉乾元至哉坤元胥茲乎

生成而終始之是所謂天地好生之府而特為四
嶽之宗乃若壁峙之峻極盤薄之闊遠又非所論
也以故專有虞氏以迄

昭代咸秩祀而崇報之也固宜予小孚言按部齊魯
責在肅清而激愚鋤凶若與大神之生道不相似
者然我心我精我儀我誠神將吐之乎嗟乎吾知
其必弗爾矣吾聞春生秋殺玄化之流也福善禍
淫明神之靈也遏惡著良大君憲天之政也矧以
生道殺之而率生者斯無窮以福機禍之而福福

者斯無窮乎繫乃知大君顯憲幽贊以成化而予
小子觀風攬轡又將以奉君之命而致之元元者
也果終異乎於戲神不享非禮之祀君子不冥祀
于不享之神大神其以予之言為不戾耶尚祈鑒
我精誠我假我歆而毋予謹也謹告嘉靖戊午夏五
月二十七日

巡撫都御史張鑑

祭文

曰粵稽山東之地青兗

肇域齊魯舊疆聖賢王霸之化禮義富強之方逮
皇明之御宇為畿腋之左壞東表溟海西略河防赫
赫明神實主震方鑑奉明命來撫是邦則巡撫

之與威靈乃均夫秉幽明之章念言東土憂心長
長薦藜餓饑鐘官方不良煩苛盜疾昏墊流亡戶籍
耗減阡陌蕪荒以今日之所目擊較之古昔之盛
忘焉其如傷痍任以來夙夜惕惶仰承神祐時雨
時陽百穀用登盈畝穰穰匪直彼不歛穡而此遺
穠實貧有餘而富露藏是神錫吾民之福即所以
貺有位之康彼存者既享有年之樂而去者豈無
故土之望桑梓在念浦負難償思者不來來者不
臧招撫墾闢孰敢怠慢因則戶而平其稅分地而

清其糧上則請命於天子天子即賜俞允下則責成於有司有司有欺心玩法削民自殖者典刑有赫實足自戢苟非明神屢錫以豐年煦育以和氣則民將迫於貧困疾疫何能永樂利於故鄉經綸潤澤聰明且詳吟嘯默祐惟神煌煌鑑益求上不負聖天子牧養小民之意下不負生平奉公憂國之志使閭閻郊野盡復古昔之盛亦為東方明神之光用是敬陳牲品侑以玄黃既齋既潔肅恭對颺為已往有午之謝致將來時若之禳報懇

之忱非言所將福善祐正惟神之祥鑒微衷之懇
懇知來格之洋洋向饗

嘉靖四十年

巡撫都御史傳希擊獻文曰茲者漕河橫溢運

道阻艱特命大臣總司開濬惟神雄鎮一方

捍除百患凡川流之壑注或山下之出源式用遣

官備申祭告願望鑒茲重計舒予至懷急靖洪

瀾佑成羣役俾運儲以通濟永康阜于無疆謹告

隆慶六年

巡撫都御史陸樹德告獻文曰惟神宗統羣

體元發生普天率土孰不景仰况此幅員之內即
所敷氣而布精一作一息是怙是憑迺者恒暘不
雨嗷嗷群情撫臣憂之亟禱於庭亦嘗檄下諸司
共敦祈請雨遲遲而不至天杳杳而難明豈政之
多舛抑禱之鮮誠方擬遣官敕告祠下草既
而雲合使未發而雨零惟神惠民如響應聲也
何幸竊有餘榮謹潔牲醴遣官陳詞仰答寵
異德施不匱湛澤時行自河之壠迄於東溟
弗遍靡露弗盈用俾苟者畢達亢者胥耕消

於不作調歲事於豐登尚饗

萬曆十一年

巡撫都御史李輔告歲文曰維

神作鎮東

胃下土凡國賦之登耗實紀綱其司生靈

戚實寧制其柄威靈焜耀古今福澤奠安境守

矣山東頃歲以來陰陽舛繆灾歉頻仍乃者

雪寒春鮮雨澤時既入夏竟日長風致令麥方苗

而乾枯穀及時而不播農民倉皇於四野吏士驚

怖於庶司雖祈禱連旬而密雲不雨切念山東之

民困於涸轍矣而歲再不稔將何聊生山東之賦

繫於秋叅矣而室如懸壑惟何輸納耶職守官之無狀嗟此下民其何辜仰惟尊神靈爽咫尺鑒察絲毫若罪有所歸則職受幽冥之譴如適遭時厄敢祈矜憫之恩尚縱陰而閉陽隨興雲而布雨庶生我百穀汙金粟穰滿車惠此群黎婦女嘻嘻卒歲不然感而不應則神何以稱威靈求而不獲則民何以誦福澤予職不任謁誠祈懇之至謹告萬曆十三年知府李伯春代告告畢而雨至

巡撫都御史李輔祭文曰今歲自春徂夏四月

不雨內自 皇畿達于淮甸焦枯奚帝千里曠茲
東土寔惟左輔民生益否前雖霑此霖霖曾入土
之無幾乃今苗不秀而秀不實旋復槁矣下民洶
洶哀顛 上帝無間遠邇 天子憂勞減膳徹樂
下詔罪已馳道不除朝步自宮迄于郊畤桑林露
禱為民請命罔恤勞只輔茲東土奉職無狀臯何
容諉念此無知顛隣溝壑寔愴惻而不能已矧

主憂臣辱即匍匐席藁曷敢一息而自寧止惟神莫
位維職司生物胡忍坐視斯人之日就墮委餉

謹率屬吏布其欵悃以告于神願神明罰予吏之
無良而無遺禍於歲出其膚寸不崇朝而雨天下
以畀我稷黍而慰我天子夙夜憂勞之意則此
子遺猶能供粢盛而備肥腯以奉神之祀於不匱
惟神鑒予之丹誠而示予以睠饗輔不勝悚息聽
命之至尚饗萬曆乙酉年四月二十五日

巡撫都御史李輔告嶽文曰自春徂夏長風為霍
早氣如焚夏麥垂枯秋禾未播輔受明命撫輯東
方俯念民艱憂心孔疚先曾齋心備物赴訴於神

伏蒙明神鑒其悃誠惠以靈澤致禱者再獲雨者
三枯麥半收新谷漸達念念應如桴鼓益瞻靈爽
之不違點點潤若膏酥共戴慈恩之無量但雨澤
應時雖慰三農之望而露足未徧尚懸再旱之憂
且內自京畿外達諸省猶聞歷三時不霑點雨數
千里并無粒食以致 主上焦勞羣工警惕上關
宗社下系生靈奚獨鄙念之所悚惶抑亦神衷之
所憫惻是用不厭煩瀆再行頂禮賽隆施於既往
微明貺於將來伏望大展神功溥垂陰隲甘霖不

限於疆域在仕滂沱洪仁普被於寰區人人驕洽
蕩除旱魃之苦黑灼挽回樂歲之詛歌補不勝感激
祈懇叩心待命之至尚饗

萬曆丙戌年同知趙承代告畢而雨至

巡撫都御史李戴告嶽文

惟神海內名山五嶽

稱雄五嶽之尊獨歸岱宗正趾坤元奠位維東顯
配天之靈應茂長育之洪功矧茲齊魯宜荷帡幪

戴欽承

上命來撫東方初入其境旱魃為傷目茲憔悴心甚
憂惶躬詣神祠為民祈祥幸賜昭鑒示我洋洋告

詞甫畢靈雨即零翼日旋車雨降雲蒸大霈甘霖
弘闡神靈三農懼望萬物遂生神功莫報峻德難
名遣官代祀敬潔犧牲修茲報賽用展微誠伏願
風雨時若灾沴不形永祐民庶慶歌豐亨戴不勝
忻躍懇祈之至謹告

萬曆十四年五月五日

巡撫都御史李戴告嶽文曰惟神化馳九域位冠
百靈裕民足國有赫帝庭矧茲東土香火維馨
家戶祝是依是屏胡天不吊降此大灾三春不
雨麥乃盡悴九夏不雨禾且無穗國用民生于焉

胥置

聖主求瘼有宦忘飧道路流離黎庶殷殘

英爽有知而寧忍看慘悲普濟具仰彤壇戴救荒
無奇懷憂如擣夙夜齋沐為民祈禱神之聽之庶
幾懷保登霑甘霖回此枯槁謹告

萬曆十四年六月二十日

山東運司同知查志隆撰岱史告文曰志隆蚤歲

家塾誦法孔孟則聞登泰山而小天下云蓋未嘗
不奮心翹首冀幸一踐跡之為快也往在壬申假
道登覽時忤權貴圖且謁歸謂與山靈永別已矣
安得如程伯子請註鄂簿撰錄名勝哉不自意間

隅一紀復出而典職則在山靈咫尺之地曾部使者嶺南譚侍史觀風陟嶽詢訪圖經屬志隆以筆劄之役所幸時清吏憲竟日一無事事得以遊思於枳林豈山靈有意乎假此閒曠俾償始願耶竊謂藉手於此少効涓埃即叨升斗倘逭尸素是用屈首編摩罔間寒暑曉窓夜燭集古覈今殆四閱月業已屬草為考者三曰圖考曰星野考曰形勝考為表者二曰山水表曰疆域表為紀者四曰狩典紀曰望典紀曰遺蹟紀曰靈宇紀為志者五曰

宮室志曰物產志曰香稅志曰災祥志曰登覽志而總揭之以名曰岱史謂夫岱宗之稱昉自黃帝今宜從其古初而譲著之法獨擅史家茲稍襲其義例也第念管窺蠡測則心思未融徑迷厓幽則涉歷未遍碑殘簡脫則目力未周於茲有深懼焉吉蠲祠下敬籍所草質諸神明行且涉阻躋巔遍觀周覽豈敢妄希先賢之勝事開衡嶺之烟雲尚冀神明降鑒而默佑之雲披日霽畢露奇觀對景揮毫恍然天啓庶幾幽不負山靈明不負付托而

於已亦不負攬梧橫卷之辛勤則惟神明陰相是
賴也敢告萬曆十四年十月十四日告畢登覽岱
嶺晴霽元三日遂得以遍歷諸形勝累
特於祝云

巡撫副都御史王在晉告嶽文曰於維泰岱崔嵬

如杜_一設位苞祗永奠邦土勢臨果曜磅礴梁父青

帝母出神秉洞府涵育萬有生成是主仰魁法參

洞_二峻嶮

帝之孫有秩公輔玄黃斯判天齊嶽祖禋宗狩望
遐控區宇一索闕靈鎮茲齊魯小子藐焉謬膺東
撫顛連甫起民無二繩玄夏曠暘經秋不雨咨爾
子浩浩蕭然環堵三韓震隣交馳白羽邊烽孔亟翕
訐夷虜調集汾沄虛我行伍湧辭飛芻率循水盤

魚鱉只生靈僵徊島塢寥及馬牛徵輸方午

天子不以食蒸藜繁苦適賦避荒孰安南畝麥整其旅

嘽嘽虓虎徼神之餘以餼戎部 國步多艱

事靡鹽蠹爾役齒神赫斯怒天討聿彰濯征膏斧

東人之子楊舲代鼓底定方隅幸不予以侮鴻圖勃

興普天受佑克奮克強乃文乃武薦律稷丘百靈

偃頫昭告皇穹明威洪溥玉輦金繩玄宮瑤圃稽

首齋心仰荅神祐億萬斯年焜耀今古

碧霞元君殿巡撫副都御史王在晉祝文曰岱宗
首震氣化攸分永奠坤維東漸海瀆天子有道望
氣書雲七十二代爵鬯燔烹昭格皇穹玉檢玄文
屆茲遼警羽檄時聞徵調踵至爰振三軍轉輸飛
輓民艱孔殷晉撫茲土拮据紛紜仰希神怙立
靖夷氛保護疆圉勿擾耕耘自天申之以告元君

萬曆四十八年四月廿一日